



An Chomhairle Oidhreachta
The Heritage Council

Oifigeach Ailtireachta

Téarma Socraithe Aon Bhliana

**Tá an Chomhairle Oidhreachta tiomanta do bheartas
comhdheise a leanúint.**

An Dáta Deiridh ar a nGlacfar le hlarratais
29 Aibreán 2026

(Ní bhreithneofar iarratais dhéanacha)



An Eagraíocht

Is é atá sa Chomhairle Oidhreachta, a bunaíodh faoin Acht Oidhreachta, 1995, ná comhlacht poiblí a bhfuil sé mar mhisean aige tuiscint leathan a fhorbairt ar an rannchuidiú ríthábhachtach a dhéanann ár n-oidhrecht lenár bhfolláine shóisialta, comhshaoil agus gheilleagrach. Le haghaidh tuilleadh mionsonraí, téigh chuig [suíomh Gréasáin na Comhairle Oidhreachta](#)

Tá fás as cuimse tagtha ar an gComhairle Oidhreachta i gCill Chainnigh le blianta beaga anuas de réir mar atá leathnú tagtha ar a ról i dtacú le hoidhrecht na hÉireann agus san oidhrecht sin a chosaint agus a chur chun cinn. A bhuí leis an méadú atá tagtha ar a freagrachtaí i réimsí amhail an caomhantas, rannpháirtíocht an phobail, an taighde, agus an t-oidreachas oidhreachta, tá an eagraíocht tar éis teacht chun bheith ina spreagthóir lárnach le haghaidh tionscnaimh oidhreachta ar an leibhéal áitiúil agus ar an leibhéal náisiúnta araon. Ós rud é go leanann an t-éileamh ar a cuid clár agus seirbhísí de bheith ag méadú, bíonn an gá le baill foirne bhreise ag éirí níos tábhachtaí i gcónaí maidir lena chinntiú gur féidir leis an gComhairle a hualach oibre méadaitheach a bhainistiú go héifeachtach agus leanúint le tacaíocht ardchaighdeáin a sholáthar do phobail agus do thionscadail oidhreachta ar fud na tíre.

Tá an Chomhairle Oidhreachta i mbun feachtas earcaíochta a chur i gcrích ar fud roinnt rannóg laistigh den eagraíocht. Tá an feachtas sin ag teacht le fás leanúnach agus sainchúram méadaitheach na Comhairle Oidhreachta agus tá sé mar aidhm leis gairmithe oilte a mhealladh chun tacú lena cuid oibre san oidhrecht a chaomhnú, i rannpháirtíocht an phobail, i mbeartais a fhorbairt, agus i gcláir a chur i gcrích

An Ról

Tacóidh an tOifigeach Ailtireachta leis an gComhairle na haidhmeanna agus na cuspóirí atá sa Phlean Straitéiseach uaithi a chomhlíonadh.



Príomhdhualgais agus Príomhfhreagrachtaí

Áirítear iad seo a leanas le príomhdhualgais an ról, ach gan a bheith teoranta dóibh;

- Tacú le cuspóirí a bhaineann leis an oidhreacht thógtha a bhaint amach, ar cuspóirí iad atá leagtha amach sa doiciméad dar teideal *Ár nÁit sa Stair*, an Plean Straitéiseach ón gComhairle Oidhreachta don tréimhse 2023-2028
- Formhaoirseacht a dhéanamh ar staidéar indéantachta a bhaineann le hionad sármhaitheasa a bhunú le haghaidh scileanna tógála oidhreachta, agus oiliúint scileanna traidisiúnta a chur chun cinn i gcomhar le príomh-chomhpháirtithe oiliúna
- Beartas éifeachtúlachta fuinnimh agus cláir oiliúna agus scileanna a fhorbairt d'fhoirgnimh stairiúla
- Beartas a fhorbairt maidir le Limistéir Chaomhantais Ailtireachta
- Beartas a chur chun cinn maidir le foirgnimh stairiúla a athúsáid
- Measúnuithe a dhéanamh ar dheontais agus iad a cheadú ar fud raon scéimeanna difriúla
- Comhairle agus ionchur a thabhairt maidir leis na gnéithe oidhreachta d'aighneachtaí pleanála agus beartais pleanála
- Comhairle a thabhairt maidir le héifeachtúlacht fuinnimh agus cothabháil cheanncheathrú na Comhairle Oidhreachta i gCill Chainnigh
- Ionadaíocht a dhéanamh don Chomhairle ag raon grúpaí oibre
- Aon dualgais eile a shannfar.

Oideachas, Oiliúint agus Taithí

Ní mór d'iarrthóirí a léiriú ina litir chumhdaigh agus ina CV go gcomhlíonann siad na critéir bhunriachtanacha uile thíos.

Oideachas

Ní mór do gach iarrthóir, faoin dáta deiridh a ghlacfar le foirmeacha iarratais comhlánaithe,



(a) cáilíocht ghairmiúil san Ailtireacht atá forordaithe faoin Acht um Rialú Foirgníochta, 2007, a bheith aige/aici nó cáilíocht san Ailtireacht atá coibhéiseach le cáilíocht atá forordaithe in alt 14 den Acht um Rialú Foirgníochta, 2007, a bheith aige/aici

Nó

(b) cáilíocht aitheanta a bheith aige/aici ag Leibhéal 8 ar an gCreat Náisiúnta Cáilíochtaí i ndisciplín teicniúil a bhaineann leis an timpeallacht thógtha, lena n-áirítear ailtireacht, innealtóireacht struchtúr, suirbhéireacht foirgníochta, nó pleanáil spáis/baile/uirbeach

Nó

(c) cáilíocht aitheanta a bheith aige/aici ag Leibhéal 8 ar an gCreat Náisiúnta Cáilíochtaí i ndisciplín ina raibh an timpeallacht thógtha stairiúil ina príomhábhar, lena n-áirítear seandálaíocht, stair na healaíne nó caomhantas ailtireachta, ach gan a bheith teoranta dóibh.

Taithí

Ní mór do gach iarrthóir, faoin dáta deiridh a ghlacfar le foirmeacha iarratais comhlánaithe,

(a) taithí shásúil trí bliana atá ábhartha don phost a bheith aige/aici

(b) eolas sásúil a bheith aige/aici ar an oidhreacht ailtireachta, ar an dearadh agus an caomhantas, ar an bpleanáil straitéiseach agus an dearadh uirbeach, ar fhoirgnimh stairiúla a iarfheistiú ó thaobh fuinnimh de, agus ar an gcreat dlíthiúil lena rialaítear caomhantas agus pleanáil ailtireachta

(c) eolas a bheith aige/aici ar an mbeartas agus an cleachtas pleanála



- (d) eolas sásúil a bheith aige/aici ar fheidhmiú eagraíochta seirbhíse poiblí nó cumas a bheith aige/aici chun eolas den sórt sin a ghnóthú
- (e) ardchaighdeán oiliúna agus taithí teicniúla a bheith aige/aici atá cuí do chineál na hoibre a dhéanfar, lena n-áirítear iad seo a leanas: taithí riaracháin agus taithí ar thionscadail a bhainistiú; ceannaireacht a léiriú; scileanna réiteach fadhbanna; breithiúnas; agus tionscnamh
- (f) Cumas chun obair ar a t(h)ionscnamh féin, le cruinneas, le dea-bhreithiúnas agus le discríd
- (g) Ní mór don iarrthóir rathúil láncheadúnas tiomána neamhfhormhuinithe Chatagóir B a bheith aige/aici agus ní mór dó/di rochtain a bheith aige/aici ar a m(h)ótarfheithicil féin.

Tuairisciú

Tuairisceoidh an tOifigeach Ailtireachta don Cheann um Chaomhantas nó d'aon duine eile a chinnfidh an Príomhoifigeach Feidhmiúcháin ó am go ham.

Coinníollacha Seirbhíse

Tionacht

Is ról téarma shocraithe aon bhliana é an post.



Tuarastal

Tá post an Oifigigh Ailtireachta cosúil le Grád an Ailtire sa Státseirbhís. Tá an scála tuarastail (ranníocaíocht phearsanta pinsin), lena n-áirítear an ranníocaíocht pinsin is gá, leagtha amach thíos.

Point 1	Point 2	Point 3	Point 4	Point 5	Point 6
€44,846	€47,718	€49,146	€52,358	€55,705	€59,183
Point 7	Point 8	Point 9	Point 10	Point 11	Point 12
€61,512	€63,845	€66,186	€ 68,513	€ 70,848	€73,185
Point 13	Point 14	Point 15			
€75,519	€77,858	€80,216			

****Incrimint Fadseirbhíse 1 €82,789**

****Incrimint Fadseirbhíse 2 €75,788**

*Tar éis seirbhís trí bliana ag Pointe 15. **Tar éis seirbhís trí bliana ag Incrimint Fadseirbhíse 1. (An scála pá amhail an **1 Feabhra 2026**)

Ba cheart d'iarrthóirí a thabhairt dá n-aire gur ag bun an scála tuarastail a thosófar agus nach mbeidh an ráta luach saothair, lena n-áirítear dul chun cinn incriminteach, faoi réir idirbheartaíochta agus go bhféadfar é a choigeartú ó am go ham de réir bheartas pá an Rialtais. Is féidir go mbeidh feidhm ag téarmaí agus coinníollacha difriúla i gcás gur státseirbhíseach nó seirbhíseach poiblí thú faoi láthair. Beidh an tuarastal lánchuimsitheach agus beidh sé mar a chinnfear ó am go ham. Íocfaidh sealbhóirí an phoist leis an gComhairle Oidhreachta aon táillí nó aon airgead eile (seachas a dtuarastal cuimsitheach) is infoctha leo nó a fhaigheann siad de bhua a bhfostaíochta nó i leith seirbhísí a gceanglaítear orthu iad a chomhlíonadh le haon achtachán nó faoi bhun aon achtacháin. Is féidir go mbeidh liúntas infoctha freisin i leith costais taistil agus cothaithe.

Tá sé de fhreagracht aonair ar iarrthóirí arb iarsheirbhísigh phoiblí nó iar-státseirbhísigh iad a chinntiú go bhfuil siad incháilithe chun iarratas a dhéanamh. Go háirithe, maidir le hiarrthóirí féideartha a bhí páirteach i gcláir dheonacha scaoilte/iomarcaíochta nó luathscoir, a fuair



íocaíocht iomarcaíochta nó atá ag fáil pinsean earnála poiblí, ba cheart dóibh eolas a chur ar a gcoinníollacha aonair a bhaineann le hathfhostaíocht san earnáil phoiblí agus ba cheart dóibh na coinníollacha sin a dhearbhu más rud é go mbeidh siad ag déanamh iarratais

Saoire Bhliantúil

Is é 29 lá in aghaidh na bliana an teidlíocht saoire bliantúla don ról seo (bunaithe ar ról lánaimseartha), ag ardú go 30 lá tar éis seirbhís cúig bliana.

Áit Oibre

Is í ceanncheathrú na Comhairle Oidhreachta ag Áras na hOidhreachta, Lána an Teampaill, Cill Chainnigh, a bheidh san áit oibre.

Obair Chumaisc

Tá áthas ar an gComhairle Oidhreachta samhail oibre cumaisc a thairiscint lena dtacaítear le comhoibriú agus le solúbthacht araon.

Uaireanta Oibre Solúbtha

Tá an Chomhairle Oidhreachta tiomanta do thimpeallacht oibre atá tacúil agus nua-aimseartha a sholáthar, agus tá áthas uirthi socruithe oibre solúbtha a thairiscint mar chuid den fheachtas earcaíochta seo. Agus an tábhacht a bhaineann le cothromaíocht oibre is saoil á haithint aici, tacaíonn an eagraíocht le raon roghanna solúbtha, lena n-áirítear obair chumaisc agus amanna tosaigh agus críochnaithe solúbtha.

Uaireanta Freastail

Maireann an ghnáthsheachtain oibre 35 uair an chloig.

Beidh ar an iarrthóir rathúil uaireanta breise a dhéanamh ó am go ham, de réir mar a fhéadfaidh a bheith réasúnach agus riachtanach le haghaidh chomhlíonadh ceart a c(h)uid



dualgas faoi réir na dteorainneacha a leagtar síos sna rialacháin um am oibre.

Promhadh

Tar éis don cheapachán teacht i bhfeidhm, beidh tréimhse ann inar ar promhadh a shealbhóidh an duine ceaptha an fhostaíocht sin. Mairfidh an tréimhse sin sé mhí, ach féadfaidh an Príomhfheidhmeannach, dá rogha féin, an tréimhse a fhadú. Féadfaidh duine scor den fhostaíocht sin a shealbhú ag deireadh na tréimhse sin de rogha an Phríomhoifigigh Feidhmiúcháin.

Scor / Aoisliúntas

Tairgfear don cheapaí na téarmaí agus coinníollacha aoisliúntais cuí a bheidh i réim tráth a thairgfear ceapachán.

Le héifeacht ón 1 Eanáir 2013, tá feidhm ag an Scéim Seirbhíse Poiblí Aonair maidir le gach iontrálaí nua céaduaire sa tseirbhís poiblí. Tá feidhm aici freisin maidir le hiarsheirbhísigh poiblí atá ag filleadh ar an tseirbhís poiblí tar éis sos is faide ná 26 seachtaine.

Is comhaltaí den Scéim Aonair iad gach iontrálaí nua a thosaíonn fostaíocht inphinsin seirbhíse poiblí an 1 Eanáir 2013 nó ina dhiaidh.

Is le téarmaí an Achta um Aoisliúntas na Seirbhíse Poiblí (Forálacha Ilghnéitheacha), 2004, a chinnefear Aois Scoir. Tugtar isteach leis an Acht forálacha nua scoir d'iontrálaithe nua a cheaptar chuig an tseirbhís poiblí an 1 Aibreán 2004 nó ina dhiaidh.

Is iad sin thuas na príomhchoinníollacha fostaíochta agus níl sé beartaithe gur liosta cuimsitheach atá ann de na téarmaí agus de na coinníollacha fostaíochta ar fad, ar nithe iad a leagfar amach i gconradh mionsonraithe fostaíochta a chomhaontófar leis an iarrthóir rathúil.



An Próiseas Iarratais

Modhanna Roghnúcháin

Is féidir go mbeidh aon cheann de na nithe seo a leanas, nó gach ceann díobh, i gceist leis an bpróiseas roghnúcháin:

- Iarrthóirí a ghearrliostú. Cinnfidh an Chomhairle Oidhreachta an líon iarrthóirí a dtabharfar cuireadh chun agallaimh dóibh. Déanfaidh an Chomhairle Oidhreachta an gearrliostú, nó déanfar thar a ceann é, in aghaidh na gcritéar atá sonraithe don phost agus bunaithe ar an bhfaisnéis atá i bhfoirm iarratais an iarrthóra agus ar an bhfaisnéis sin amháin.
- Agallamh, ar féidir go mbeidh cur i láthair ón iarrthóir i gceist leis.
- Dara hagallamh, ar féidir go mbeidh cur i láthair nó cleachtadh eile i gceist leis freisin.
- Is féidir go gcruthóidh an Chomhairle Oidhreachta painéal ónar féidir folúntais amach anseo ag an ngrád sonraithe a líonadh.

Tá sé beartaithe agallaimh a thionól ag oifigí na Comhairle Oidhreachta. Is féidir go dtionólfaidh an Chomhairle Oidhreachta agallaimh trí theicneolaíochtaí cianda. Tá sé de fhreagracht ar an agalláí a chinntiú go bhfuil rochtain aige/aici ar shaoráidí leordhóthanacha chun go mbeidh sé/sí in ann páirt a ghlacadh in agallaimh ar líne. Ní bheidh an Chomhairle Oidhreachta freagrach as aon chostas a thabhoídís iarrthóir agus é/í ag freastal ar agallamh.

Conas Iarratas a Dhéanamh

Chun iarratas a dhéanamh, seol litir chumhdaigh (nach mó ná dhá leathanach) chuig Ciara Connolly ag mmalone@heritagecouncil.ie, agus teideal an róil luaite i líne an ábhair, agus tú ag leagan amach cén fáth a bhfuil spéis agat sa deis agus conas, dar leat, a chomhlíonann do chuid scileanna, eolais agus taithí ceanglais an róil. Ceangail curriculum vitae (CV) cuimsitheach freisin ina léirítear go soiléir na héachtaí agus an taithí ábhartha i do ghairm go dtí seo.



Iarrthóirí faoi Mhíchumas

Tá an Chomhairle Oidhreachta tiomanta do chomhdheiseanna a sholáthar do gach iarrthóir. Más rud é go bhfuil míchumas ort nó go dteastóidh socruithe réasúnacha uait le linn an phróisis earcaíochta, molaimid duit é sin a chur in iúl dúinn chun a chinntiú go bhfaighidh tú an tacaíocht a theastóidh uait. Ní dhéanfaidh an gá atá le coigeartuithe nó le socruithe réasúnacha aon difear don phróiseas roghnúcháin, agus is faoi chuing rúin a chaithfear leis an bhfaisnéis ar fad a nochtfar.

Dáta Deiridh

Tabhair faoi deara gurb é an 29 Aibreán 2026 an dáta deiridh a ghlacfar le hiarratais. Ní bhreithneofar aon iarratais a gheofar tar éis an dáta agus ama deiridh.

Iarrthóireacht a mheas a bheith tarraingthe siar

Glacfar leis go bhfuil a (h)iarrthóireacht tarraingthe siar ag iarrthóir nach bhfreastalaíonn ar agallamh de réir mar a éileoidh an Chomhairle Oidhreachta nó nach dtugann, nuair a iarrtar a leithéid air/uirthi, cibé fianaise a éilíonn an Chomhairle i dtaca le hábhar ar bith a bhaineann lena (h)iarrthóireacht.

Tréimhse le haghaidh Glacadh leis an gCeapachán

Ceanglóidh an Chomhairle Oidhreachta ar an duine a dtairgfear ceapachán dó/di glacadh leis an gceapachán laistigh de thréimhse nach faide ná mí amháin agus, más rud é nach nglacfaidh sé/sí leis an gceapachán laistigh den tréimhse sin nó laistigh de cibé tréimhse níos faide a chinnfidh an Chomhairle dá lánrogha féin, ní cheapfaidh an Chomhairle é/í.

Canbhasáil

I gcás go ndéanfaidh iarrthóir nó aon duine a bheidh ag gníomhú ar chomhairle an iarrthóra iarracht, go díreach nó go hindíreach, trí chumarsáid i scríbhinn nó ar shlí eile, tionchar a



imirt, i bhfabhar an iarrthóra, ar aon bhall foirne de chuid na Comhairle Oidhreachta nó ar aon duine arna (h)ainmniú ag an gComhairle Oidhreachta chun iarrthóirí a chur faoi agallamh nó a scrúdú, dícháileofar an t-iarrthóir go huathoibríoch ón bpost atá á lorg.

Grinnfhiosrúchán an Gharda Síochána

Is féidir go n-iarrfar grinnfhiosrúchán an Gharda Síochána i gcás daoine aonair atá á mbreithniú lena gceapadh. Má dhéantar é/í a bhreithniú dá c(h)eapadh, ceanglófar ar an iarratasóir foirm Ghrinnfhiosrúcháin an Gharda Síochána a chomhlánú agus a sheoladh ar ais. Cuirfear an fhoirm ar aghaidh chuig an nGarda Síochána le haghaidh seiceálacha slándála ar gach seoladh ag ar chónaigh an t-iarratasóir roimhe seo.

Sláinte

Beidh ag iarrthóirí staid sláinte a thabharfadh le fios go bhfuil ionchas réasúnach ann go mbeidh siad in ann seirbhís éifeachtúil thráthrialta a sholáthar. Chun an ceanglas sláinte a shásamh, is féidir go mbeidh ar an iarrthóir rathúil, sula gceapfar é/í, dul faoi scrúdú leighis ag lia-chleachtóir cáilithe a bheidh le hainmniú ag an gComhairle.

Ceisteanna/Tuilleadh Faisnéise

Má theastaíonn tuilleadh faisnéise uait nó más mian leat plé rúnda a shocrú maidir leis an deis, seol ríomhphost chuig mmalone@heritagecouncil.ie.

Faisnéis Ghinearálta

Comhlíonadh an Dlí

Tá rún daingean ag an gComhairle Oidhreachta cloí leis an reachtaíocht iomchuí ar fad i gcúrsa an fheachtais earcaíochta seo, lena n-áirítear na hAchtanna um Chomhionannas Fostaíochta, 1998-2015, an tAcht Fostaíochta (Forálacha Ilghnéitheacha), 2018, na hAchtanna um Chosaint Sonraí, 1988-2018, agus na hAchtanna um Shaoráil Faisnéise,



1997, 2003 agus 2014.

Comhlíonadh RGCS

Déanann an Chomhairle Oidhreachta bailiú, próiseáil agus stóráil ar shonraí pearsanta a soláthraíonn iarratasóirí iad agus iad ag déanamh iarratas ar an ról atá ar fáil. Déantar na sonraí a soláthraíonn iarratasóirí iad a bhailiú, a thaifeadadh, a stóráil, a choimeád agus a scriosadh i gcomhréir leis na hAchtanna um Chosaint Sonraí, 1988-2018.

Úsáid Feistí Taifeadta

Tá cosc ar threalamh taifeadta a úsáid le linn an phróisis iarratais agus agallaimh.

Na Dualgais ar Iarrthóirí

Ní ceadmhach d'iarrthóirí faisnéis bhréagach nó mhíthreorach a sholáthar go feasach.

Ní ceadmhach d'iarrthóirí cur isteach ar an bpróiseas nó cur as dó ar bhealach ar bith.

